

臺灣通志館之使命

林 獻 堂

臺灣位居我國東陲，四面環海，形勢險要，與海南島兀立並峙，拱衛南疆，屏藩閩粵；加以中央山脈南北綿亙，峯巒重疊，高聳入雲，海岸紆迴，港灣深僻，以之設防，固若金湯，實爲國防前線之重地，兵家必爭之要區，我國倚爲屏障，自不待言。而地跨溫熱二帶，氣候煦燠，土厚泉甘，動植繁殖，平疇沃壤，尤宜蔗稻。水稻一歲兩熟，產量甚豐，年有外銷，蔗糖產量，亦爲國中首屈一指，糖廠規模之宏大，居各種工業首位。餘如樟腦，稱雄世界；烏龍名茶，馳譽遐邇。而地下蘊藏：若煤，若金，若硫，莫不豐富異常；漁塭之利，俯拾即是。天府之國，信非溢美。丁茲國際風雲擾攘之秋，此蕞爾孤島，益彰重要，一以其西挹大陸，東臨巨洋，北抗日本，南撫菲島，管綸四方，弗獨爲我國堡壘門戶，抑且爲我國經濟命脈，一不容以彈丸之地，視同等閒也。

回憶我先民自隋唐以來，樞機提攜，來居斯土，手耒耜，腰刀槍，犯瘴毒，歷險阻，與異族猛獸相爭逐，披荆斬棘，筆路藍縷，以啓山林，以拓沃壤，用能宏大其族，至今是賴，其艱難締造之勞，史不絕書；語其要者，則有顏鄭之招徠僑民，寧靖王之關田竹滬，王世傑之拓荒竹塹，陳賴章之墾殖大佳臘，施世榜，楊志申經營於半線，吳漢生，吳沙規劃於蛤仔難，陳文，賴科，吳金奮發於奇萊，絞漑心血，勤事稼穡，鑿渠引水，利澤孔長，咸有功於墾土，而臺灣乃有今日之饒庶，文物典章，燦然以備。當拓闢之初，先住民族復以種殊化異，扞格不入，鬭爭頻仍。我先民之噫矢石，膏鋒刃，葬身榛莽者，不知凡幾，然猶前仆後繼，不餒不怠，慘淡經營，漸漬之以文教，潛移默化，衰孕鎔合之於不自覺，迨明鄭之時，蓋幾融爲一體，雖深山窮谷之中，因地勢之限隔，小有流遺，未盡合流，而全局個無大殊異矣。

滿清末葉，君儒臣昏，外侮時侵，疆土日蹙，致此富庶外府，亦因甲午一役，割隸日本，使數百萬炎黃帝胄，悉成披髮左衽之民。吁，可悲已！顧臺胞民族精神，秉受有自，列祖列宗，或追隨延平，共延明祚，或恥事虜廷，絕裾遠徙，威靈憑藉，迄未消泯。故馬關之約甫訂，臺民卽揚竿而起，奔走呼號，萬衆一心，誓死禦仇。沐血五閱月，屍橫山積，終以彈盡援絕，忍辱俯首；然薪膽之念，耿耿在抱，固未嘗一日去懷也。羅福星，余清芳，賴來之徒，喋血奮起於前，文化協會，民衆黨，農民組合諸彥，奮臂踵武於後，處淫威虐政之下曾不稍屈，慷慨成仁，壯烈赴義，直可驚天地而泣鬼神，半世紀來之苦鬪，實我臺胞血淚交漬而成之一部血爭史耳。緬懷往昔，彌增憤慨！

差幸剝盡而復，否極泰來，抗戰八載，元凶屈膝，而此五十一年來我同胞念茲在茲之臺灣，得隨勝利之降臨，重返祖國懷抱

○金甌無缺，日月重光，臺胞歡忭鼓舞，實有不能以言語喻者。故當家祭甫畢，公洽長官蒞任，萬人空巷，列隊以迎，喜氣洋溢，瀾蓋全省。誠以失土收復，國威重振，不惟因視漢官舊儀而慶幸；脫彼樊籠，登茲衽席，以與國內胞與，協力建造三民主義新中國，致斯民於康樂之境，奠國基於磐石之固，尤所企望焉。

魏公伯聰主政臺省，首揭「在安定中求繁榮」以爲施政根據，一年以來，宏猷初展，德澤長新，庶績咸熙而規模粗具。西哲有云：「政治爲歷史之果，歷史爲政治之根」，撫今追昔，於先賢之陳規往迹，讜言懿行，自不能無源頭活水之思，以究乎天人之際，明乎古今之變，因有纂修通志之議。

夫通志，誠如章實齋所言，乃史之要刪，蒐羅縱橫數百里之所見，博訪上下數千年之所聞，彙而刪之；資之足以徵文考獻，鑒往知來，其要尤在比事例，明義理，具法戒，裨治政，以爲後人龜鑑。我國之方志，在世界文化史料中，可稱別具一格，爲並世各國所無，明清兩代，纂述尤夥。臺灣府志初修於清康熙三十三年，迄乾隆二十九年，再度重修，願書既陳舊，復多舛漏，如荷人鄭氏之事，缺而弗錄。日本據治，頻年調查，報告記載，固極精詳，然其採集，專供有司施政之用，秘而不宣，我臺人無從窺其底蘊焉。近年國府頒訂各省縣文獻委員會組織法及修志章則，通飭遵照。昭代右文，良堪額慶；臺灣光復伊始，於過去事跡，加以綜合彙訂，發而表之，公諸國人，用彰文采，要亦非絕無意義者，魏公通志纂修之議，意在斯乎？

本年春抄，獻堂北上予會省委，忽荷下囑，主長志館。自維才拙，謬膺重寄，若涉深淵；惟懼耆舊凋零，莫可諮詢，卷案散佚，棄廢銷毀，私家所藏，半付蟲魚，搜求資料不易，及今不修，則春秋代序，後此十年，或數十年，其艱鉅當更有甚於今日者，廼慨然應命，著手部署。幾經擊劃，迄六月一日，畧具組織，遂專案上聞；一方則糾合同志，共策進行，以迄今茲。

夫立國精神，首重文化，政教興替，志乘尙焉。臺灣之見諸史籍，始於隋之太業，惟在明鄭以前，典籍文獻，殊多未備，求詳靡易，識者憾之，稽古鈎沉，尙有賴乎同人之努力。而清室以異族入主中原，日本藉武力攫取臺疆，執民族之偏見，對史實恒予歪曲，堅貞忠義志士之規謀光復，輒名之曰匪，曰寇，曰叛，曰亂，其酷虐橫暴殘凌我民，則美稱爲聖恩皇威。是非顛倒，黑白混淆，莫此爲甚，糾而正之，以新視聽，亦復不容忽怠。顧茲事體大，同人學淺識陋，微力容有未逮，非集腋不能成裘，非衆擎不能舉重，甚望海內鴻儒，省中耆老，隨時惠助，指迷化頑，俾此艱鉅，克底於成。

嗚呼！惟我祖宗，超彼大海，入此荒陬，宵旰勤勞，以拓以啓，以教以養，爲子孫萬年之計，其功偉矣。追懷先德，源遠流長，收網遺聞，蒐輯軼事，援古證今，博徵繁引，章明翔實，釐成巨帙，宣揚先民之豐勁偉烈，流傳宇內，俾中外人士，披稽玩審，默考潛思，當知吾臺文物聲華，其來有自；而繼往開來，使臺胞鑑於生斯土者，盛衰遞嬗之往事，葆吾所長，勉吾所短，啓迪後賢，長養其敬恭桑梓之德，誘發其懷鄉愛國之忱，昭示來許，利賴尤多，是獻堂有厚望焉。